

Glöggli, 11j.



suechet dringänd äs nöiis Daheime mit Freigang

Liebi Tierfründe

Ig bi s'Glöggli, abr sy rüefet mi ou Garfield, wiu ig ou so es kugurunds Schlitzohr bi. Schtimmt, ig luege grad ganz truurig, ig bruuche es nöiies Daheime. Warum? Mini Familie het sich trännt u itze geit's grad druntr u drübr, Ching u Züglete u ... u sy hei chuum no Ziit für mi. Nur no Schträss u mir droht s'Tierheim. Dört wott ig abr nid here. Drum!

Ig bi 11jährig, kaschtriert, gimpft, chippet, gsung (bis uf es paar Urinkrischtalle, die hei mir abr mit Urinary-Fuetter im Griff), stuberein u pflägelicht. Ig bi aahänglech u schpiue sähr gärn. Ouso nid so wiud, ig näms scho gmüetlech u bi e chline Schtubehocker. Abr ig schpiue, mit Dir zäme, das isch luschtig. Chuschle isch nid immr so Miis, ig entscheide gärn säubr, wenn u wo u wie lang. Ig zeige's Dir denn, we ig nüm wott. We Du das abr nid reschpektiersch, denn chan ig ou biese (nid arg, mehr so zwicke) u chratze. Ig muess doch säge dörfe, wenn ig gnue ha, odr? Mis liebschtes Hobby isch Ässe, sieht mer, gäu? Dört muesch es bitzeli uf mi ufasse. U ig bi immr nöigiirig u wärd Di ganz sichr beschnuppere, we Du mi tuesch bsueche. Wiu doch wisse, wer Du bisch!

Auso, ig sueche liebi chatzeerfahreni Lüüt, die wo zu mir luege u mi wiedr häppy mache. U die wo mir min gliebte Freigang durchs Törli chönnt biete. En ruhige gmüetleche Huushaut ohni chliini Ching u ohne Chatze (bi gärn Alleiprinz), das wär öppis für mi. E liebe Hung wär okey. Wohnsch Du verkehrersarm, villiicht sogar mit Garte? MIM Garte? U git's es Chatzetörli für mi? Suechsch Du en toue Charaktrchatr u würdsch Du mir es bitzeli uf mini Ernährig achte? Das wär's. Denn könnt das mis nöie Daheime sy bi Dir, denn müeset mir üs unbedingt lehre chenne. Ach ja, ig wohne im Moment no z'Horw/LU, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi ganz fescht uf Di, wenn chummsch mi bsueche?

Din Glöggli-Garfield



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch